

D.R. 17/93

Naskhah Sahih—Bahasa Kebangsaan

RANG UNDANG-UNDANG

bernama

Suatu Akta untuk meminda Akta Paten 1983.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Paten (Pindaan) 1993 dan, tertakluk kepada subseksyen 45(2), hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta*, dan Menteri boleh menetapkan tarikh yang berlainan bagi mula berkuatkuasanya peruntukan-peruntukan yang berlainan dalam Akta ini.

Tajuk ringkas dan mula berkuatkuasa.

2. Seksyen 3 Akta Paten 1983, yang disebut "Akta ibu" dalam Akta ini, adalah dipinda—

Pindaan seksyen 3. Akta 291.

(a) dengan memasukkan, selepas takrif "Daftar" takrif yang berikut:

' "ditetapkan" ertinya ditetapkan melalui peraturan-peraturan yang dibuat di bawah Akta ini;';

- (b) dengan memasukkan, selepas takrif "hak", takrif yang berikut:

"keluaran" ertinya apa-apabenda yang terdapat dalam bentuk ketara, dan termasuklah apa-apa radas, artikel, peranti, kelengkapan, kraftangan, alat, mesin, bahan dan komposisi;';

- (c) dengan memotong takrif "**Menteri**";

- (d) dengan memasukkan, selepas takrif "**Pemeriksa**", takrif yang berikut:

' "pemunya paten" atau "pemunya sesuatu paten" atau "pemunya suatu paten" ertinya orang yang pada masa ini direkodkan dalam Daftar sebagai penerima pemberian sesuatu **paten**;

- (e) dalam takrif "Pendaftar", dengan memotong perkataan "dan termasuklah seseorang Timbalan Pendaftar Paten atau Penolong Pendaftar Paten";

- (f) dengan memasukkan, selepas takrif "Pendaftar" takrif yang berikut:

"proses" termasuklah suatu seni atau **kaedah**;';

- (g) dengan **menggantikan** noktah di akhir takrif "**rekacipta yang dipaten**" dengan **koma bernoktah** dan dengan memasukkan, selepas takrif itu, takrif yang berikut:

"**tarikh pemfailan**" ertinya tarikh yang direkodkan dalam Daftar sebagai tarikh pemfailan di bawah seksyen 28;

"**tarikh prioriti**" ertinya tarikh yang ditetapkan dalam seksyen 27A.'.

3. Seksyen 4 Akta ini adalah dipinda—

Pindaan
seksyen 4.

(a) dengan menggantikan subseksyen (2) dengan subseksyen yang berikut:

"(2) Lembaga hendaklah terdiri daripada anggota-anggota yang berikut:

- (a) Ketua Setiausaha Kementerian yang dipertanggungjawabkan dengan tanggungjawab bagi harta perindustrian, yang hendaklah menjadi Pengerusi;
- (b) seorang Timbalan Pengerusi, yang hendaklah dilantik oleh Menteri daripada kalangan orang yang, pada pendapat Menteri, oleh sebab pengetahuan dan pengalaman mereka akan dapat memberikan perkhidmatan yang substantial dalam membangunkan harta perindustrian;
- (c) seorang wakil Kementerian yang dipertanggungjawabkan dengan tanggungjawab bagi harta perindustrian, yang hendaklah dilantik oleh Ketua Setiausaha Kementerian itu;
- (d) seorang wakil Kementerian yang dipertanggungjawabkan dengan tanggungjawab bagi industri, yang hendaklah dilantik oleh Ketua Setiausaha Kementerian itu;
- (e) seorang wakil Kementerian yang dipertanggungjawabkan dengan tanggungjawab bagi sains dan teknologi, yang hendaklah dilantik oleh Ketua Setiausaha Kementerian itu;
- (f) seorang wakil Majlis Sainifik Kebangsaan bagi Penyelidikan dan Pembangunan, yang hendaklah dilantik oleh Majlis itu;

- (g) seorang wakil institut-institut penyelidikan, yang hendaklah dilantik oleh Menteri;
 - (h) seorang wakil institusi-institusi pengajian tinggi, yang hendaklah dilantik oleh Menteri; dan
 - (i) tidak lebih daripada tiga orang lain yang difikirkan oleh Menteri layak dan patut menjadi anggota Lembaga, yang hendaklah dilantik oleh Menteri.”;
- (b) dalam subseksyen (3), dengan menggantikan perkataan “, selain dari anggota yang dilantik di bawah perenggan (b) atau (c)” dengan perkataan “yang dilantik di bawah perenggan (b), (g), (h) atau (i)”.

Pindaan
seksyen 5.

4. Seksyen 5 Akta ibu adalah dipinda—

- (a) dalam subseksyen (1), dengan menggantikan perkataan “, selain dari anggota yang dilantik di bawah perenggan (a) subseksyen (2) seksyen 4, Menteri boleh melantik seorang lain daripada kumpulan yang sama atau seorang lain yang mewakili kepentingan yang sama sebagai” dengan perkataan “yang dilantik di bawah perenggan (g), (h) atau (i) subseksyen (2) seksyen 4, Menteri boleh melantik seorang lain yang mewakili kepentingan yang sama seperti”;
- (b) dengan memasukkan, selepas subseksyen (1), subseksyen yang berikut:

“(1A) Seorang lain daripada Kementerian atau badan yang sama seperti anggota yang dilantik di bawah perenggan (c), (d), (e), atau (f) subseksyen (2) seksyen 4 boleh dilantik oleh masing-masing pihak berkuasa perlantikan yang tersebut dalam perenggan-perenggan itu untuk menjadi anggota silih ganti bagi anggota itu dan anggota silih ganti itu boleh menghadiri mesyuarat-mesyuarat Lembaga sebagai ganti anggota itu jika anggota itu tidak dapat hadir kerana apa-apa sebab.”.

5. Akta ibu adalah dipinda dengan menggantikan seksyen 10 dengan seksyen yang berikut: Pindaan seksyen 10.

"Perkhid-
matan
maklumat
paten. 10. Maka **hendaklah** ada suatu perkhidmatan maklumat paten yang memberikan maklumat kepada orang ramai apabila fee yang ditetapkan dibayar."

6. Seksyen 14 Akta ibu adalah dipinda—

Pindaan
seksyen 14.

(a) dalam subseksyen (2)—

(i) dalam perenggan (a), dengan menggantikan perkataan "secara penyiaran bertulis atau, di Malaysia," dengan perkataan "secara penyiaran bertulis,";

(ii) dengan memotong perkataan "tarikh pemfailan atau, di mana berkenaan," dalam perenggan (a) dan dengan memotong perkataan "tarikh pemfailan yang lebih awal atau, di mana berkenaan," dalam perenggan (b);

(b) dengan memasukkan, selepas subseksyen (3), subseksyen yang berikut:

"(4) Peruntukan-peruntukan subseksyen (2) tidak menyingkirkan kebolehatenan apa-apa bahan atau komposisi, yang terkandung dalam ciptaan seni **terdahulu**, bagi kegunaan dalam kaedah yang disebut dalam perenggan (d) subseksyen (1) seksyen 13, jika kegunaannya dalam mana-mana kaedah sedemikian tidak terkandung dalam ciptaan seni terdahulu itu."

7. Akta ibu adalah dipinda dengan menggantikan seksyen 17 dengan seksyen yang berikut: Pindaan seksyen 17.

"Takrif. 17. Bagi maksud-maksud Bahagian ini dan mana-mana peraturan yang dibuat di bawah Akta ini berhubung dengan Bahagian ini, "perbaharuan utiliti" ertinya apa-apa

perbaharuan yang **mewujudkan** suatu keluaran atau proses baru, atau apa-apa perbaikan baru sesuatu keluaran atau proses yang sedia diketahui, yang **boleh** dibuat atau **digunakan** dalam apa-apa jenis industri, dan termasuklah sesuatu **rekacipta**.”.

Pindaan seksyen 17A. 8. Subseksyen 17A(2) Akta ibu adalah dipinda dengan memotong angka dan tanda baca “12,”.

Seksyen baru 17B dan 17c. 9. Akta ibu adalah dipinda, dalam Bahagian VA, dengan memasukkan, selepas seksyen 17A, seksyen yang berikut:

“Penukaran daripada permohonan bagi mendapatkan paten menjadi permohonan bagi mendapatkan perakuan bagi perbaharuan utiliti. 17b. (1) Sesuatu permohonan bagi mendapatkan paten boleh ditukarkan menjadi suatu permohonan bagi mendapatkan perakuan bagi perbaharuan utiliti.

(2) Sesuatu permohonan bagi mendapatkan perakuan bagi perbaharuan utiliti boleh ditukarkan menjadi suatu permohonan bagi mendapatkan paten.

(3) Sesuatu permintaan untuk menukarkan suatu permohonan bagi mendapatkan paten menjadi suatu permohonan bagi mendapatkan perakuan bagi perbaharuan utiliti atau untuk menukarkan suatu permohonan bagi mendapatkan perakuan bagi perbaharuan utiliti menjadi suatu permohonan bagi mendapatkan paten hendaklah difailkan **oleh pemohon** dan hendaklah **mematuhi** peraturan-peraturan yang dibuat di bawah Akta ini.

(4) Sesuatu permintaan bagi penukaran di bawah seksyen ini hendaklah difailkan tidak **lewat** daripada **enam bulan** dari tarikh Pendaftar memberitahu pemohon tentang laporan yang dibuat **oleh** Pemeriksa **mengikut** subseksyen (1) atau (2) seksyen 30.

(5) Sesuatu **permintaan** bagi **penukaran** di bawah seksyen ini **tidak boleh** dilayani **melainkan** jika fee yang ditetapkan dibayar kepada **Pendaftar**.

(6) Sesuatu permohonan yang sudah **ditukarkan hendaklah** disifatkan **telah** difailkan pada **masa** permohonan **asal** difailkan.

Paten dan perakuan bagi perbaharuan utiliti tidak boleh diberikan **kedua-duanya** sekali bagi reka-cipta yang sama.

17C (1) Jika seseorang pemohon bagi mendapatkan paten telah **juga—**

- (a) membuat permohonan bagi mendapatkan perakuan bagi perbaharuan utiliti; atau
- (b) diberi suatu perakuan bagi perbaharuan utiliti,

dan hal perkara permohonan bagi mendapatkan paten itu adalah **sama** dengan hal perkara permohonan yang tersebut **dalam** perenggan (a) atau hal perkara perakuan yang tersebut dalam perenggan (b), paten tidak boleh diberikan **sehinggalah** permohonan yang tersebut dalam perenggan (a) ditarik **balik** atau perakuan yang tersebut dalam perenggan (b) **diserahkan**.

(2) Jika seseorang pemohon bagi mendapatkan perakuan bagi perbaharuan utiliti telah **juga—**

- (a) membuat permohonan bagi mendapatkan paten; atau
- (b) diberi suatu paten,

dan hal perkara permohonan bagi mendapatkan perakuan bagi perbaharuan utiliti itu adalah sama dengan hal perkara permohonan yang tersebut dalam perenggan (a) atau hal perkara paten yang tersebut dalam perenggan (b),

SRANGUNDANG-UNDANG

perakuan bagi perbaharuan utiliti tidak boleh diberikan sehinggalah permohonan yang tersebut dalam perenggan (a) ditarik balik atau paten yang tersebut dalam perenggan (b) diserahkan.”.

Pindaan
seksyen 18.

10. Seksyen 18 Akta ibu adalah dipinda dengan memasukkan, selepas subseksyen (3), subseksyen yang berikut:

"(4) Jika dua orang atau lebih telah membuat rekacipta yang sama secara berasingan dan bebas, dan setiap seorang daripada mereka telah membuat permohonan bagi mendapatkan paten, hak mendapatkan paten bagi rekacipta itu hendaklah dipunyai oleh orang yang permohonannya mempunyai tarikh prioriti yang paling awal sekali.”.

Pindaan
seksyen 19.

11. Teks bahasa Inggeris bagi seksyen 19 Akta ibu adalah dipinda, dalam proviso kepada seksyen itu, dengan memotong perkataan "also".

Pindaan
seksyen 25

12. Akta ibu adalah dipinda dengan menggantikan seksyen 25 dengan seksyen yang berikut:

“Penarikan balik permohonan. 25. Seseorang pemohon boleh menarik balik permohonannya pada bila-bila masa sementara menanti keputusan permohonan itu dengan mengemukakan suatu akuan dalam borang yang ditetapkan kepada Pendaftar, dan penarikan balik itu tidak boleh dibatalkan.”.

Pindaan
seksyen 26B.

13. Seksyen 26B Akta ibu adalah dipinda—

(a) dalam subseksyen (1), dengan memasukkan, selepas perkataan "boleh", perkataan "dalam masa yang ditetapkan";

(b) dalam subseksyen (2), dengan memotong perkataan "tarikh pemfailan dan, di mana berkenaan,”.

14. Seksyen 27 Akta ibu adalah di pinda

Pindaan
seksyen 27.

(a) dalam subseksyen (1)—

- (i) dengan menggantikan perkataan “menurut sesuatu”, dengan perkataan “menurut mana-mana triti antarabangsa atau”;
- (ii) dengan memasukkan, selepas perkataan “difailkan”, perkataan “, dalam tempoh dua belas bulan sebelum sahaja tarikh pemfailan permohonan yang mengandungi akuan itu,”;
- (iii) dengan menggantikan perkataan “Konvensyen tersebut” dengan perkataan “triti antarabangsa atau Konvensyen antarabangsa tersebut”;

(b) dengan memasukkan, selepas subseksyen (1), subseksyen yang berikut:

“(1A) Tempoh dua belas bulan yang tersebut dalam subseksyen (1) tidak boleh dilanjutkan di bawah peruntukan-peruntukan seksyen 82.”;

(c) dalam subseksyen (3), dengan memasukkan, selepas perkataan “diperuntukkan dalam”, perkataan “triti atau”;

(d) dalam teks bahasa kebangsaan, dengan menggantikan perkataan “penetapan” di mana-mana juga terdapat dengan perkataan “akuan”.

15. Akta ibu adalah dipinda dengan memasukkan, selepas seksyen 27, seksyen yang berikut:

Seksyen
baru 27A."Tarikh
prioriti

27A. (1) Tertakluk kepada subseksyen (2), tarikh prioriti sesuatu permohonan bagi mendapatkan paten ialah tarikh pemfailan permohonan itu.

(2) Jika sesuatu permohonan mengandung iakuan yang tersebut dalam seksyen 27, maka tarikh prioriti permohonan itu hendaklah tarikh pemfailan permohonan yang paling awal sekali yang prioritinya dituntut dalam iakuan itu.”.

Pindaan seksyen 29.

16. Akta ibu adalah dipinda dengan menggantikan seksyen 29 dengan seksyen yang berikut;

“Pemeriksaan permulaan.

29. (1) Jika sesuatu permohonan bagi mendapatkan paten mempunyai tarikh pemfailan dan tidak ditarik balik, Pendaftar hendaklah memeriksa permohonan itu dan memutuskan sama ada ia mematuhi kehendak-kehendak Akta ini dan peraturan-peraturan yang dibuat di bawah Akta ini yang telah ditentukan oleh peraturan-peraturan itu sebagai kehendak-kehendak formal bagi maksud-maksud Akta ini.

(2) Jika Pendaftar, hasil daripada pemeriksaan di bawah subseksyen (1), mendapati bahawa tidak semua kehendak formal telah dipatuhi, dia hendaklah memberikan peluang kepada pemohon untuk memberikan apa-apa pandangan tentang dapatan itu dan untuk meminda permohonan itu dalam tempoh yang ditetapkan supaya kehendak-kehendak itu dipatuhi, dan jika pemohon tidak berbuat demikian, Pendaftar boleh menolak permohonan itu.”.

Seksyen baru 29A.

17. Akta ibu adalah dipinda dengan memasukkan, selepas seksyen 29, seksyen yang berikut:

“Permintaan bagi pemeriksaan substantif atau pemeriksaan substantif yang diubahsuakan.

29A. (1) Jika sesuatu permohonan bagi mendapatkan paten sudah diperiksa di bawah seksyen 29 dan tidak ditarik balik atau ditolak, pemohon hendaklah memfailkan, dalam tempoh yang ditetapkan, suatu permintaan bagi pemeriksaan substantif permohonan itu.

(2) Jika suatu paten atau hakmilik lain bagi perlindungan harta perindustrian telah

diberikan kepada pemohon atau pendulunya dalam hakmilik di suatu negara ditetapkan di luar Malaysia atau di bawah suatu triti atau Konvensyen yang ditetapkan bagi suatu rekacipta yang sama atau yang pada dasarnya sama dengan rekacipta yang dituntut dalam permohonannya, maka pemohon boleh meminta pemeriksaan substantif yang diubahsuaikan sebagai ganti pemeriksaan substantif.

(3) Sesuatu permintaan bagi pemeriksaan substantif atau pemeriksaan substantif yang diubahsuaikan hendaklah dibuat dalam borang yang ditetapkan dan tidaklah disifatkan telah difailkan sehingga fee yang ditetapkan dibayar kepada Pendaftar dan apa-apa kehendak yang ditetapkan yang lain dipatuhi.

(4) Pendaftar boleh menghendaki pemohon memberikan, pada masa permintaan bagi pemeriksaan substantif difailkan—

- (a) apa-apa maklumat yang ditetapkan atau dokumen sokongan yang ditetapkan berkenaan dengan pemfailan mana-mana permohonan bagi mendapatkan paten atau hakmilik lain bagi perlindungan harta perindustrian yang difailkan di luar Malaysia oleh pemohon itu atau pendulunya dalam hakmilik dengan sesuatu pejabat harta perindustrian kebangsaan, serantau, atau antarabangsa;
- (b) apa-apa maklumat yang ditetapkan berkenaan dengan keputusan-keputusan apa-apa pencarian atau pemeriksaan yang dijalankan oleh sesuatu Pihak Berkuasa Pencarian Antarabangsa di bawah Triti Kerjasama Paten, yang berhubungan dengan rekacipta yang sama atau yang pada dasarnya sama

dengan rekacipta yang dituntut dalam permohonan yang baginya permintaan bagi pemeriksaan substantif itu difailkan.

(5) Jika pemohon—

- (a) tidak memfailkan sama ada suatu permintaan di bawah subseksyen (1) bagi pemeriksaan substantif atau suatu permintaan di bawah subseksyen (2) bagi pemeriksaan substantif yang diubahsuaikan; atau
- (b) tidak memberikan maklumat atau dokumen yang disebut dalam subseksyen (4) sebagaimana yang dikehendaki oleh Pendaftar,

dalam tempoh yang ditetapkan, maka permohonan bagi mendapatkan paten itu hendaklah, tertakluk kepada subseksyen (6), disifatkan telah ditarik balik pada akhir tempoh itu.

(6) Walau apa pun subseksyen (5), Pendaftar boleh, atas permintaan pemohon, membenarkan penangguhan pemfailan permintaan bagi pemeriksaan yang disebut dalam subseksyen (1) atau (2) atau penangguhan pemberian maklumat atau dokumen yang disebut dalam subseksyen (4), dan penangguhan itu boleh dibenarkan hanya atas alasan bahawa—

- (a) paten atau hakmilik yang disebut dalam subseksyen (2) belum diberikan atau tidak boleh didapati; atau
- (b) maklumat atau dokumen yang disebut dalam subseksyen (4) tidak akan didapati,

pada masa tempoh yang ditetapkan bagi pemfailan permintaan di bawah subseksyen (1) atau (2) itu habis.

(7) Tiada penangguhan boleh dibenarkan di bawah subseksyen (6) melainkan jika permintaan bagi penangguhan itu difailkan sebelum habis tempoh yang ditetapkan bagi pemfailan permintaan di bawah subseksyen (1) atau (2) dan tiada penangguhan boleh diminta atau dibenarkan bagi suatu tempoh yang lebih lama daripada tempoh yang ditetapkan dalam peraturan-peraturan yang dibuat di bawah Akta ini.

(8) Tanpa menjejaskan kuasa Pendaftar untuk membenarkan penangguhan, tempoh yang ditetapkan bagi maksud-maksud seksyen ini tidak boleh dilanjutkan di bawah peruntukan-peruntukan seksyen 82.”.

18. Akta ibu adalah dipinda dengan **menggantikan** seksyen 30 dengan seksyen yang berikut: Pindaan seksyen 30.

“Pemeriksaan substantif dan pemeriksaan substantif yang diubah-suaikan. 30. (1) Jika suatu permintaan bagi pemeriksaan substantif telah difailkan di bawah subseksyen (1) seksyen 29A, Pendaftar hendaklah merujuk permohonan itu kepada seorang Pemeriksa yang hendaklah—

- (a) memutuskan sama ada permohonan itu mematuhi kehendak-kehendak Akta ini dan peraturan-peraturan yang dibuat di bawah Akta ini yang ditentukan oleh peraturan-peraturan itu sebagai kehendak-kehendak substantif bagi maksud-maksud Akta ini; dan
- (b) melaporkan keputusannya itu kepada Pendaftar.

(2) Jika suatu permintaan bagi pemeriksaan substantif yang diubahsuaikan telah difailkan di bawah subseksyen (2) seksyen 29A, Pendaftar hendaklah merujuk permohonan itu kepada Pemeriksa yang hendaklah—

- (a) memutuskan sama ada permohonan itu mematuhi kehendak-kehendak Akta ini dan peraturan-peraturan yang dibuat di bawah Akta ini yang ditentukan oleh peraturan-peraturan itu sebagai kehendak-kehendak substantif yang diubahsuaikan bagi maksud-maksud Akta ini; dan
- (b) melaporkan keputusannya itu kepada Pendaftar.

(3) Jika Pemeriksa, mengikut subseksyen (1) atau (2), melaporkan bahawa mana-mana kehendak yang disebut dalam subseksyen (1) atau (2), mengikut mana-mana yang berkenaan, tidak dipatuhi, Pendaftar hendaklah memberi pemohon suatu peluang untuk memberikan pandangan tentang laporan itu dan untuk meminda permohonan itu supaya kehendak-kehendak itu dipatuhi dalam tempoh yang ditetapkan, dan jika pemohon tidak memuaskan hati Pendaftar bahawa kehendak-kehendak itu dipatuhi, atau tidak meminda permohonan itu supaya kehendak-kehendak itu dipatuhi, Pendaftar boleh menolak permohonan itu.

(4) Pendaftar boleh membenarkan perlanjutan tempoh yang ditetapkan yang disebut dalam subseksyen (3) tetapi perlanjutan itu boleh dibenarkan hanya sekali sahaja dan tiada perlanjutan boleh dibenarkan selepas itu di bawah peruntukan-peruntukan seksyen 82.

(5) Jika Pemeriksa, mengikut subseksyen (1) atau (2), melaporkan bahawa permohonan itu, sama ada sebagaimana yang difailkan pada

asalnya atau sebagaimana yang **dipinda**, mematuhi **kehendak-kehendak** yang disebut **dalam** subseksyen (1) atau (2), mengikut **mana-mana** yang **berkenaan**, Pendaftar hendaklah memberitahu pemohon tentang hakikat itu dan, tertakluk kepada subseksyen (6), hendaklah **memproses permohonan** itu sewajarnya.

(6) Jika dua atau **lebih** daripada dua permohonan bagi mendapatkan paten bagi rekacipta yang **sama** dan yang **mempunyai** tarikh prioriti yang sama difailkan oleh pemohon yang sama atau penggantinya dalam hakmilik, Pendaftar **boleh**, atas alasan itu, enggan memberikan paten atas lebih daripada satu permohonan itu.

(7) Pendaftar boleh menepikan, sebagaimana yang difikirkannya patut, kehendak supaya dirujuk sesuatu permohonan atau **mana-mana** bahagiannya bagi pemeriksaan substantif di **bawah** subseksyen (1):

Dengan syarat bahawa dia hendaklah memberitahu, dalam *Warta*, niatnya untuk menepikan kehendak itu dan hendaklah membenarkan mana-mana **pihak** yang akan terkilan oleh penepian itu didengar dalam perkara itu.”.

19. Seksyen 31 Akta ibu adalah dipinda—

Pindaan
seksyen 31.

- (a) dalam perenggan (2)(a), dengan **memasukkan**, selepas perkataan “laporan”, perkataan “muktamad”;
- (b) dengan memasukkan, selepas subseksyen (2), subseksyen yang berikut:

“(2A) Jika dua atau lebih daripada dua orang **telah**, secara berasingan dan bebas, membuat rekacipta yang sama dan setiap seorang daripada mereka telah membuat

permohonan bagi mendapatkan paten dan permohonan-permohonan itu mempunyai tarikh prioriti yang sama, suatu paten boleh diberikan atas setiap permohonan itu.”;

(c) dalam perenggan (3)(b), dengan memotong perkataan “bersama-sama dengan salinan-salinan laporan carian”.

Pindaan
seksyen 32.

20. Akta ibu adalah dipinda dengan menggantikan seksyen 32 dengan seksyen yang berikut:

"Daftar Paten. 32. (1) Pendaftar hendaklah menyimpan dan menyenggara suatu daftar yang dinamakan Daftar Paten.

(2) Daftar Paten hendaklah mengandungi segala perkara dan butir yang ditetapkan berhubungan dengan paten.

(3) Daftar Paten hendaklah disimpan dalam bentuk dan atas bahantara yang ditetapkan.”.

Seksyen
baru 32A.

21. Akta ibu adalah dipinda dengan memasukkan, selepas seksyen 32, seksyen yang berikut:

“Notis mengenai amanah tidak boleh didaftarkan. 32A. Notis mengenai sesuatu amanah, yang nyata, tersirat atau konstruktif, tidak boleh dimasukkan ke dalam Daftar atau disetujui-terima oleh Pendaftar.”.

Seksyen
baru 33A,
33B dan 33c.

22. Akta ibu adalah dipinda dengan memasukkan, selepas seksyen 33, seksyen yang berikut:

“Salinan diperakui atau cabutan diperakui daripada Daftar, dsb. boleh diterima sebagai keterangan dalam mahkamah. 33A. (1) Daftar hendaklah menjadi keterangan *prima facie* tentang segala perkara yang dikehendaki atau yang dibenarkan dicatatkan dalamnya oleh Akta ini.

(2) Salinan-salinan atau cabutan-cabutan daripada Daftar, atau salinan-salinan atau cabutan-cabutan daripada apa-apa dokumen

atau penerbitan di Pejabat Pendaftaran Paten, boleh diterima sebagai keterangan dalam semua mahkamah tanpa bukti selanjutnya atau tanpa pengemukaan Daftar, dokumen atau penerbitan yang asal jika salinan atau cabutan itu diperakui oleh Pendaftar secara bertulis di bawah tandatangannya.

Pindaan-
pindaan
kepada
Daftar.

33B. (1) Pendaftar boleh, atas permintaan yang dibuat oleh pemunya paten mengikut cara yang ditetapkan, meminda Daftar—

- (a) dengan membetulkan apa-apa kesilapan nama atau alamat pemunya paten itu; atau
- (b) dengan memasukkan apa-apa perubahan nama atau alamat pemunya paten itu.

(2) Jika Daftar telah dipinda di bawah seksyen ini, Pendaftar boleh menghendaki perakuan mengenai pemberian paten dikemukakan kepadanya dan boleh—

- (a) membatalkan perakuan mengenai pemberian paten itu dan mengeluarkan suatu perakuan baru mengenai pemberian paten itu; atau
- (b) membuat apa-apa pindaan berbangkit dalam perakuan mengenai pemberian paten itu sebagaimana yang menjadi perlu oleh sebab pindaan kepada Daftar itu,

(3) Walau apa pun mana-mana peruntukan lain Akta ini atau peraturan-peraturan yang dibuat di bawah Akta ini, tiada fee kena dibayar oleh pemunya paten berkenaan dengan sesuatu permintaan untuk membetulkan apa-apa kesilapan nama atau alamat pemunya itu melainkan jika kesilapan itu disebabkan atau turut disebabkan oleh pemunya itu.

Mahkamah
boleh
meme-
rintahkan
supaya
Daftar
dibetulkan.

33c. (1) Mahkamah boleh, atas permohonan mana-mana orang yang terkilan, memerintahkan supaya Daftar dibetulkan dengan mengarahkan—

- (a) pembuatan apa-apa catatan yang ditinggalkan dengan salah daripada Daftar;
- (b) pemadaman atau pemindaan apa-apa catatan yang dibuat dengan salah dalam Daftar atau yang masih ada dengan salah dalam Daftar; atau
- (c) pembetulan apa-apa kesilapan atau kecacatan dalam Daftar.

(2) Notis tentang tiap-tiap permohonan di bawah seksyen ini hendaklah disampaikan kepada Pendaftar yang hendaklah mempunyai hak untuk nadir dan didengar, dan yang hendaklah nadir jika diarahkan sedemikian oleh Mahkamah.

(3) Melainkan jika diarahkan selainnya oleh Mahkamah, Pendaftar, sebagai ganti hadir dan didengar, boleh mengemukakan suatu pernyataan bertulis yang ditandatangani kepada Mahkamah—

- (a) yang memberikan butir-butir berhubungan dengan perkara yang menjadi isu;
- (b) tentang alasan-alasan apa-apa keputusan yang diberikan olehnya yang menyentuh perkara yang menjadi isu;
- (c) tentang amalan Pejabat Pendaftaran Paten dalam kes-kes yang serupa; atau
- (d) tentang perkara-perkara lain yang relevan dengan isu-isu itu dan yang dalam pengetahuannya sebagai Pendaftar, sebagaimana yang difikirkannya patut,

dan pernyataan itu hendaklah disifatkan menjadi sebahagian daripada keterangan dalam Mahkamah.

(4) Suatu salinan bermeterai sesuatu perintah di bawah seksyen ini hendaklah disampaikan kepada Pendaftar yang hendaklah, apabila diterimanya perintah itu, mengambil langkah-langkah yang perlu untuk melaksanakan perintah itu.”.

23. Seksyen 35 Akta ibu adalah dipinda—

Pindaan
seksyen 35.

- (a) dalam subseksyen (1), dengan menggantikan noktah bertindih selepas perkataan “pemberiannya” dengan noktah dan dengan memotong proviso kepada subseksyen itu;
- (b) dengan memasukkan, selepas subseksyen (2), subseksyen yang berikut:

“(3) Jika fee tahunan yang ditetapkan tidak dibayar mengikut subseksyen (2), paten itu hendaklah luput, dan notis tentang luputnya paten itu kerana apa-apa fee tahunan tidak dibayar hendaklah disiarkan dalam *Warta*”.

24. Akta ibu adalah dipinda dalam Bahagian VI dengan memasukkan, selepas seksyen 35, seksyen yang berikut:

Seksyen
baru 35A.

“Penghidupan semula paten yang luput. 35A. (1) Dalam masa dua tahun dari tarikh sesuatu notis tentang luputnya sesuatu paten disiarkan dalam *Warta*—

- (a) pemunya paten itu atau penggantinya dalam hakmilik; atau
- (b) mana-mana orang lain yang, sekiranya paten itu tidak luput, akan berhak mendapat paten itu,

boleh memohon kepada Pendaftar dalam borang yang ditetapkan supaya paten itu dihidupkan semula.

(2) **Pendaftar boleh** menghidupkan semula sesuatu paten atas **permohonan yang dibuat di bawah subseksyen (1)**—

- (a) apabila dibayar semua fee tahunan yang terhutang dan surcaj yang ditetapkan bagi penghidupan semula; dan
- (b) apabila dia berpuas hati bahawa fee tahunan itu tidak dibayar dengan tak sengaja, kerana silap atau kerana apa-apa sebab lain yang tak dapat diramalkan.

(3) Jika Pendaftar menghidupkan semula sesuatu paten yang **luput**, dia hendaklah **menyebabkan** notis mengenai penghidupan semula itu disiarkan dalam *Warta*.

(4) Penghidupan semula sesuatu paten yang luput tidaklah menjejaskan hak-hak yang diperolehi oleh **pihak-pihak** ketiga selepas diberitahu dalam *Warta* bahawa paten itu telah luput dan sebelum diberitahu dalam *Warta* bahawa paten itu telah **dihidupkan** semula.

(5) Menteri boleh membuat peraturan-peraturan untuk mengadakan peruntukan bagi perlindungan atau pampasan orang-orang yang telah **mengeksploit** atau yang telah mengambil langkah-langkah pasti, melalui kontrak atau selainnya, untuk mengeksploit sesuatu paten selepas diberitahu dalam *Warta* bahawa paten itu telah luput dan sebelum diberitahu dalam *Warta* bahawa paten itu telah **dihidupkan** semula, tetapi apa-apa perlindungan sedemikian tidak boleh meliputi **lebih** daripada apa-apa eksploitasi paten yang luput itu yang telah digunakan oleh orang-orang itu atau yang, untuk **menggunakannya**, langkah-langkah yang pasti telah diambil oleh orang-orang itu.

(6) Tiada prosiding boleh diambil berkenaan dengan pelanggaran sesuatu paten yang dilakukan selepas diberitahu dalam *Warta* bahawa paten itu telah luput dan sebelum diberitahu dalam *Warta* bahawa paten itu telah dihidupkan semula.”.

25. Seksyen 37 Akta ibu adalah dipinda—

Pindaan
seksyen 37.

- (a) dalam teks bahasa kebangsaan, dalam subseksyen (1), dengan menggantikan perkataan “tidaklah boleh” dengan perkataan “hendaklah”;
- (b) dalam teks bahasa kebangsaan, dalam subseksyen (2), dengan menggantikan perkataan “hendaklah” dengan perkataan “tidaklah”; dan
- (c) dalam subseksyen (5), dengan memasukkan, selepas perkataan “terhad” perkataan “oleh peruntukan-peruntukan seksyen 35A,”.

26. Subseksyen 38(1) Akta ibu adalah dipinda dengan memotong perkataan “semasa memfail atau, di mana berkenaan”.

Pindaan
seksyen 38.

27. Teks bahasa kebangsaan seksyen 40 Akta ibu adalah dipinda—

Pindaan
seksyen 40.

- (a) dengan memasukkan, selepas perkataan “Dengan”, perkataan “tiadanya”; dan
- (b) dengan memotong perkataan “tiadanya” yang terdapat selepas perkataan “pihak-pihak itu”.

28. Teks bahasa kebangsaan subseksyen 43(1) Akta ibu adalah dipinda dengan menggantikan perkataan “permohonan bagi” dengan perkataan “penggunaan”.

Pindaan
seksyen 43

29. Teks bahasa kebangsaan subseksyen 49(1) Akta ibu adalah dipinda—

Pindaan
seksyen 49.

- (a) dalam perenggan (a)—
 - (i) dengan menggantikan perkataan “pengemukaan” dengan perkataan “pengeluaran”;

- (ii) dengan menggantikan perkataan “permohonan bagi” dengan perkataan “penggunaan”;
- (iii) dengan memotong perkataan “dikemukakan”; dan

(b) dalam perenggan (b), dengan menggantikan perkataan “dikemukakan” dengan perkataan “dikeluarkan”.

Pindaan
seksyen 49A.

30. Subseksyen 49A(1) Akta ibu adalah dipinda dengan memotong perkataan “tarikh pemfailan yang lebih awal atau, di mana berkenaan,”.

Pindaan
Bahagian XI.

31. Teks bahasa kebangsaan Bahagian XI Akta ibu adalah dipinda dengan menggantikan perkataan “PEMBATALAN”, “Pembatalan”, “pembatalan”, “membatalkan”, “dibatalkan” dan “terbatal” masing-masingnya dengan perkataan “PENTAKSAHAN”, “Pentaksahan”, “pentaksahan”, “mentaksahkan”, “ditaksahkan” dan “tak sah”.

Pindaan
seksyen 56.

32. Seksyen 56 Akta ibu adalah dipinda—

(a) dalam subseksyen (2)—

- (i) dengan memotong perkataan “atau” di akhir perenggan (c);
- (ii) dengan menggantikan noktah bertindih di akhir perenggan (d) dengan perkataan “; atau”;
- (iii) dengan memasukkan, selepas perenggan (d), perenggan yang berikut:
 - “(e) bahawa maklumat yang tak lengkap atau tak betul telah sengaja diberikan atau disebabkan supaya diberikan kepada Pendaftar di bawah subseksyen (4) seksyen 29A oleh orang yang kepadanya paten telah diberikan atau oleh ejennya.”; dan

(iv) dengan memotong proviso; dan

- (b) dengan memasukkan, selepas subseksyen (2), subseksyen yang berikut:

“(2A) Walau apa pun subseksyen (2), Mahkamah tidak boleh mentaksahkan paten atas alasan yang tersebut dalam perenggan (d) subseksyen (2) jika paten itu telah diserahkan kepada orang yang mempunyai hak untuk mendapat paten itu.”.

33. Subseksyen 64(3) Akta ibu adalah dipinda dengan menggantikan perkataan “dibatalkan” dengan perkataan “ditaksahkan”. Pindaan seksyen 64.

34. Teks bahasa kebangsaan seksyen 65 Akta ibu adalah dipinda— Pindaan seksyen 65.

- (a) dalam nota birai, dengan menggantikan perkataan “di mana paten telah digunakan” dengan perkataan “bahawa paten telah dipohon”;
- (b) dalam subseksyen (1), dengan menggantikan perkataan "digunakan" dengan perkataan "dipohon"; dan
- (c) dalam subseksyen (3)—
- (i) dengan menggantikan perkataan “belum selesai” dengan perkataan “dinantikan”; dan
 - (ii) dengan menggantikan perkataan "telah digunakan" di mana-mana jua terdapat dengan perkataan "telah dipohon".

35. Teks bahasa kebangsaan subseksyen 74(5) Akta ibu adalah dipinda dengan menggantikan perkataan “sahaja perlu” dengan perkataan “mungkin”. Pindaan seksyen 74.

36. Teks bahasa kebangsaan subseksyen 75(1) Akta ibu adalah dipinda dengan menggantikan perkataan "dalam pembicaraan" dengan perkataan "dengan dapat didengar oleh". Pindaan seksyen 75

Pindaan
seksyen 79.

37. Akta ibu adalah dipinda dengan menggantikan seksyen 79 dengan seksyen yang berikut:

“**Kuasa Pendaftar untuk meminda permohonan paten** 79. (1) Pendaftar boleh, atas permintaan seseorang pemohon bagi mendapatkan paten yang dibuat mengikut peraturan-peraturan yang dibuat di bawah Akta ini, meminda permohonan paten pemohon itu atau apa-apa dokumen yang dikemukakan di Pejabat Pendaftaran Paten berkaitan dengan permohonan itu, bagi maksud membetulkan salah tulis atau kesalahan ketara.

(2) Tiap-tiap permintaan di bawah subseksyen (1) hendaklah disertakan dengan fee yang ditetapkan.”.

Seksyen
baru 79A.

38. Akta ibu adalah dipinda dengan memasukkan, selepas seksyen 79, seksyen yang berikut:

“**Kuasa Pendaftar untuk meminda paten.** 79A. (1) Pendaftar boleh, atas permintaan pemunya sesuatu paten yang dibuat mengikut peraturan-peraturan yang dibuat di bawah Akta ini, meminda perihalan, tuntutan atau tuntutan-tuntutan, atau lukisan-lukisan, paten itu, atau meminda apa-apa dokumen lain yang berkaitan dengan paten itu, bagi maksud membetulkan salah tulis atau kesalahan ketara atau atas apa-apa sebab lain yang dapat diterima oleh Pendaftar.

(2) Pendaftar tidak boleh membuat pindaan di bawah seksyen ini jika pindaan itu akan mengakibatkan terzahirnya sesuatu perkara yang melebihi apa yang telah dizahirkan sebelum pindaan itu atau jika pindaan itu akan mengakibatkan perluasan perlindungan yang diberikan pada masa paten itu diberikan.

(3) Pendaftar tidak boleh membuat pindaan bawah seksyen ini jika ada di hadapan mana-mana Mahkamah prosiding yang belum selesai yang dalamnya keesahan paten itu mungkin menjadi isu.

(4) Tiap-tiap permintaan di bawah subseksyen (1) hendaklah disertakan dengan fee yang ditetapkan.

(5) Walau apa pun subseksyen (4), tiada fee kena dibayar oleh pemunya paten berkenaan dengan sesuatu permintaan untuk membetulkan apa-apa kesalahan atau kesiiapan dalam apa-apa dokumen yang dikeluarkan oleh Pejabat Pendaftaran Paten melainkan jika kesalahan atau kesiiapan itu disebabkan atau turut disebabkan oleh pemunya itu.”.

39. Seksyen 82 Akta ibu adalah dipinda dengan menggantikan perkataan "Jika" dengan perkataan "Tertakluk kepada subseksyen (1A) seksyen 27, subseksyen (8) seksyen 29A dan subseksyen (4) seksyen 30, jika,". Pindaan seksyen 82.

40. Subseksyen 83(1) Akta ibu adalah dipinda, dengan menggantikan perkataan "pendaftaran" dengan perkataan "mendapatkan". Pindaan seksyen 83.

41. Akta ibu adalah dipinda dengan memasukkan, selepas seksyen 83, seksyen yang berikut: Seksyen baru 83A.

“Perakuan oleh Pendaftar. 83A. Pendaftar boleh, secara bertulis di bawah tandatangannya, memperakui bahawa sesuatu catatan, perkara atau benda yang dikehendaki oleh atau di bawah Akta ini supaya dibuat atau dilakukan, atau supaya tidak dibuat atau dilakukan, telah atau telah tidak dibuat atau dilakukan, mengikut mana-mana yang berkenaan, dan perakuan itu adalah keterangan *prima facie* tentang benarnya fakta-fakta yang dinyatakan dalamnya dan hendaklah boleh diterima sebagai keterangan dalam semua mahkamah.”.

42. Teks bahasa kebangsaan perenggan 84(a) Akta ibu adalah dipinda dengan memotong perkataan "yang sebaliknya". Pindaan seksyen 84.

Pindaan
seksyen 86.

43. Subseksyen 86(5) Akta ibu adalah dipinda dengan memotong perkataan “atau memulakan atau hadir dalam sesuatu guaman”.

Pindaan
seksyen 87

44. Perenggan (2)(e) Akta ibu adalah dipinda dengan menggantikan perkataan “pendaftaran” dengan perkataan “bagi mendapatkan”.

Pindaan
seksyen 89.

45. (1) Seksyen 89 Akta ibu adalah dipinda dengan menggantikan perenggan (c) dengan perenggan yang berikut:

“(c) apa-apa perakuan atau pemberian yang dikeluarkan atau dibuat, berkenaan dengan sesuatu paten, di bawah undang-undang yang dimansuhkan dan yang berkuatkuasa sebelum sahaja mula berkuatkuasanya Akta ini hendaklah terus berkuatkuasa—

(i) selama paten yang asal berkuatkuasa di United Kingdom; atau

(ii) sehingga habis tempoh dua puluh tahun dari tarikh permohonan,

mengikut mana-mana yang lebih awal.”.

(2) Perenggan 89(c) Akta ibu sebagaimana yang dipinda dalam subseksyen (1) hendaklah disifatkan menjadi dan telah sentiasa menjadi suatu bahagian integral seksyen 89 dari tarikh mula berkuatkuasanya Akta ibu.

Pindaan
seksyen 90.

46. (1) Seksyen 90 Akta ibu adalah dipinda—

(a) dalam subseksyen (1) dan (2), dengan memasukkan, selepas perkataan “mengeluarkan suatu perakuan”, perkataan “atau membuat suatu pemberian”;

(b) dalam subseksyen (1) dan (2), dengan memasukkan, selepas perkataan “perakuan” perkataan “atau pemberian”;

(c) dalam subseksyen (2), dengan memasukkan, selepas perkataan “mendapatkan” suatu perakuan”, perkataan “atau pemberian”;

(d) dengan memotong subseksyen (3).

(2) Tiap-tiap pemberian yang dibuat di Sarawak sebelum mula berkuatkuasanya seksyen ini dan yang berupa sebagai telah dibuat di bawah subseksyen 90(1) atau 90(2) Akta ibu adalah dengan ini diisytiharkan telah dibuat mengikut undang-undang dan dengan sah walaupun tiada sebutan nyata tentang pembuatan pemberian itu.

47. Jadual Kedua kepada Akta ibu adalah dipinda—

Pindaan
Jadual
Kedua.

(a) dalam ubahsuaian dalam ruang (2) berkenaan dengan seksyen 14—

(i) dengan memotong perkataan "di Malaysia" dalam perenggan (2)(a) dan

(ii) dengan memotong perkataan "tarikh pemfailan atau, di mana berkenaan," dalam perenggan (2)(a) dan perkataan "tarikh pemfailan yang lebih awal atau, di mana berkenaan," dalam perenggan (2)(b);

(b) dengan memotong perkataan "Seksyen 29" dalam ruang (1) dan dengan memotong segala ubahsuaian dalam ruang (2) berkenaan dengan seksyen 29;

(c) dengan menggantikan ubahsuaian dalam perenggan 2 dalam ruang (2) berkenaan dengan seksyen 32 dengan yang berikut:

'2. Gantikan "paten" dengan "perakuan perbaharuan utiliti';

(d) dengan memasukkan, selepas sebutan dalam ruang (1) mengenai seksyen 32 dan ubahsuaian dalam ruang (2) berkenaan dengan seksyen 32, peruntukan yang berikut:

'Seksyen 33B... Gantikan "perakuan mengenai pemberian paten" dengan "perakuan bagi perbaharuan utiliti".';

(e) dalam ubahsuaian dalam ruang (2) berkenaan dengan seksyen 35—

(i) dengan memotong tanda baca ' "' di akhir proviso kepada subseksyen (4); dan

(ii) dengan memasukkan, selepas subseksyen (4), subseksyen yang berikut:

'(5) Jika fee tahunan tidak dibayar mengikut subseksyen (4), perakuan bagi perbaharuan utiliti itu hendaklah luput, dan suatu notis tentang luputnya perakuan itu kerana apa-apa fee tahunan tidak dibayar hendaklah disiarkan dalam *Warta*.';

(f) dengan menggantikan perenggan 2 ubahsuaian dalam ruang (2) berkenaan dengan seksyen 37 dengan perenggan yang berikut:

'2. Potong " oleh peruntukan-peruntukan ke atas lesen wajib sebagaimana diperuntukkan dalam seksyen 51 dan 52" dalam subseksyen (5).'

Peralihan
dan
kecualian.

48. Tiada apa-apa jua dalam Akta ini boleh menyentuh—

(a) permintaan-permintaan yang dibuat sebelum tarikh mula berkuatkuasanya Akta ini bagi pemeriksaan-pemeriksaan awal atau substantif dan yang masih belum diputuskan sebelum sahaja tarikh mula berkuatkuasanya Akta ini; dan

(b) pemeriksaan-pemeriksaan awal atau substantif yang masih belum diputuskan sebelum sahaja tarikh mula berkuatkuasanya Akta ini,

dan peruntukan-peruntukan Akta ibu dan peraturan-peraturan yang dibuat di bawah Akta ibu hendaklah terus terpakai bagi pemeriksaan-pemeriksaan itu seolah-olah Akta ibu tidak dipinda oleh Akta ini.

HURAIAN

Rang Undang-Undang ini bertujuan meminda Akta Paten 1983, yang disebut "Akta" dalam Huraian ini.

2. *Fasal 2* Rang Undang-Undang bertujuan meminda seksyen 3 Akta untuk memasukkan beberapa takrif baru. Takrif "tarikh pemfailan", "pemunya paten", "ditetapkan", "tarikh prioriti", "proses" dan "keluaran" dimasukkan untuk menghapuskan kesamaran.

3. *Fasal 3* Rang Undang-Undang bertujuan meminda subseksyen 4(2) Akta. Pada masa ini semua anggota Lembaga Paten, termasuklah mereka yang mewakili badan-badan dan organisasi-organisasi yang khusus disebut dalam seksyen itu, dilantik oleh Menteri. Dengan pindaan yang dicadangkan itu, badan-badan dan organisasi-organisasi itu akan dapat melantik wakil mereka masing-masing.

Fasal 3 juga bertujuan meminda subseksyen 4(3) Akta. Pada masa ini semua anggota Lembaga Paten, kecuali wakil Kementerian Perdagangan dan Perindustrian dan wakil Kementerian Sains, Teknologi dan Alam Sekitar, memegang jawatan selama tempoh maksimum dua tahun. Mereka, bagaimanapun, layak dilantik semula. Dengan pindaan ini, tempoh jawatan tiap-tiap anggota yang lantikannya dibuat oleh badan atau organisasi yang diwakilinya tidak lagi tertakluk kepada tempoh maksimum dua tahun itu.

4. *Fasal 6* Rang Undang-Undang bertujuan meminda subseksyen 14(2) Akta untuk mentakrifkan semula "ciptaan seni terdahulu". Pindaan ini menjadikan apa-apa jua yang berhubungan dengan sesuatu rekacipta yang dizahirkan di mana-mana jua di dunia sebelum tarikh prioriti sesuatu permohonan paten yang menuntut rekacipta itu sebahagian daripada ciptaan seni terdahulu dan ini akan menyentuh kebolehpatenan rekacipta itu. Pada masa ini, penzahiran-penzahiran yang dibuat secara lisan, misalnya, akan menjadi "ciptaan seni terdahulu" hanya jika dibuat di Malaysia.

Fasal 6 juga bertujuan menjelaskan bahawa jika *kegunaan* apa-apa bahan atau komposisi dalam sesuatu kaedah bagi rawatan tubuh manusia atau binatang atau dalam kaedah-kaedah diagnosis yang digunakan pada tubuh manusia atau binatang tidak menjadi sebahagian daripada ciptaan seni terdahulu, maka hakikat bahawa bahan atau komposisi itu sendiri adalah sebahagian daripada ciptaan seni terdahulu tidaklah menyingkirkan kebolehpatenan kegunaan itu.

5. *Fasal 7* Rang Undang-Undang bertujuan menggantikan takrif "perbaharuan utiliti" yang sedia ada dengan suatu takrif baru yang lebih luas. Ini akan membolehkan lebih banyak lagi perbaharuan

dilindungi di bawah Akta, dan dengan itu akan menggalakkan kemajuan teknologi di negara ini. Rekacipta-rekacipta telah juga dimasukkan ke dalam takrif baru yang dicadangkan ini kerana sebilangan perekacipta mungkin lebih suka memohon bagi mendapatkan perakuan perbaharuan utiliti dan tidak bagi mendapatkan paten.

6. *Fasal 9* Rang Undang-Undang bertujuan memasukkan seksyen baru 17B yang membenarkan penukaran sesuatu permohonan bagi mendapatkan paten menjadi suatu permohonan bagi mendapatkan perakuan bagi perbaharuan utiliti, dan sebaliknya.

Fasal 9 juga bertujuan memasukkan seksyen baru 17c yang melarang pemberian paten dan perakuan perbaharuan utiliti *kedua-duanya sekali* bagi rekacipta yang sama. Ini akan memastikan bahawa seseorang perekacipta tidak menikmati monopoli yang berlebihan berkenaan dengan rekaciptanya.

7. *Fasal 10* Rang Undang-Undang bertujuan meminda seksyen 18 Akta dengan memasukkan subseksyen baru (4) yang mengenal pasti orang yang mempunyai hak untuk mendapatkan paten bagi suatu rekacipta yang dibuat secara berasingan dan bebas oleh dua atau lebih daripada dua orang.

8. *Fasal 12* Rang Undang-Undang bertujuan meminda seksyen 25 Akta untuk memastikan bahawa penarikan balik permohonan dibuat secara bertulis. Pindaan ini juga bertujuan melarang pembatalan apa-apa penarikan balik. Larangan ini akan mengelakkan kerumitan dalam prosedur-prosedur pencarian.

9. *Fasal 14* Rang Undang-Undang bertujuan meminda seksyen 27 Akta untuk memastikan bahawa apa-apa tuntutan prioriti yang dibuat adalah terhad kepada permohonan-permohonan yang difailkan dalam tempoh dua belas bulan sebelum sahaja tarikh pemfailan permohonan yang dalamnya tuntutan itu dibuat.

10. *Fasal 15* Rang Undang-Undang bertujuan memasukkan seksyen baru 27A untuk menjelaskan apakah tarikh prioriti bagi sesuatu permohonan.

11. *Fasal 16, 17 dan 18* Rang Undang-Undang bertujuan meminda seksyen 29 dan 30 Akta dan juga memasukkan seksyen baru 29A. Pindaan-pindaan yang dicadangkan bertujuan mengadakan peruntukan bagi suatu pemeriksaan awal yang lebih mudah dan untuk membolehkan pemohon memohon bagi mendapatkan pemeriksaan substantif yang diubahsuaikan jika paten atau hakmilik perlindungan yang lain telah diberikan di suatu negara ditetapkan di luar Malaysia berkenaan dengan rekacipta yang baginya paten dipohon. Pindaan-pindaan yang dicadangkan akan mempercepat proses pemeriksaan permohonan-permohonan bagi mendapatkan paten.

12. *Fasal 19* Rang Undang-Undang bertujuan meminda seksyen 31 Akta. Di bawah pindaan yang dicadangkan, jika dua atau lebih daripada dua orang telah membuat suatu rekacipta secara berasingan dan bebas dan setiap seorang daripada mereka telah memohon untuk mendapatkan paten dan permohonan-permohonan itu mempunyai tarikh prioriti yang sama, maka paten boleh diberikan atas setiap satu permohonan itu.

13. *Fasal 20* Rang Undang-Undang bertujuan meminda seksyen 32 Akta. Pada masa ini, seksyen 32 menentukan butir-butir yang dikehendaki direkodkan dalam Daftar. Dengan pindaan yang dicadangkan ini, butir-butir itu akan ditetapkan melalui peraturan-peraturan yang dibuat di bawah Akta. Dengan itu, sekiranya perubahan butir-butir itu menjadi perlu, perubahan-perubahan itu akan lebih senang dibuat.

Pindaan yang dicadangkan itu juga bertujuan mengadakan peruntukan bagi pembuatan peraturan-peraturan untuk menetapkan bentuk yang dalamnya dan bahantara yang atasnya Daftar itu akan disimpan. Ini akan membolehkan Daftar disimpan atas bahantara elektronik atau apa-apa bahantara lain.

14. *Fasal 21* Rang Undang-Undang bertujuan memasukkan seksyen baru 32A ke dalam Akta supaya notis tentang apa-apa amanah tidak dimasukkan ke dalam Daftar memandangkan bahawa notis-notis sedemikian tidak mempunyai apa-apa erti dalam pemberian paten.

15. *Fasal 22* Rang Undang-Undang bertujuan memasukkan seksyen baru 33A ke dalam Akta untuk menjadikan Daftar keterangan *prima facie* tentang segala perkara yang dikehendaki atau dibenarkan oleh Akta dicatatkan dalamnya dan untuk menjadikan salinan-salinan atau cabutan-cabutan daripada, antara lain. Daftar boleh diterima sebagai keterangan dalam mahkamah tanpa bukti lanjut atau pengemukaan yang asal, dengan syarat bahawa salinan-salinan atau cabutan-cabutan itu diperakui oleh Pendaftar secara bertulis di bawah tandatangannya.

Fasal 22 juga bertujuan memasukkan dua seksyen baru, iaitu seksyen 33B dan 33C, ke dalam Akta. Seksyen 33B baru yang dicadangkan akan membenarkan pindaan-pindaan dibuat oleh Pendaftar kepada Daftar apabila dia diminta berbuat demikian oleh pemunya paten bagi maksud membetulkan kesilapan-kesilapan atau memasukkan perubahan-perubahan nama atau alamat pemunya itu. Seksyen baru 33C yang dicadangkan akan membolehkan Mahkamah, atas permohonan mana-mana orang yang terkilan, memerintahkan pembetulan Daftar.

16. *Fasal 23* Rang Undang-Undang bertujuan meminda seksyen 35 Akta untuk menjelaskan bahawa jika fee tahunan tidak dibayar

berkenaan dengan sesuatu paten, paten itu akan luput. Pindaan yang dicadangkan juga bertujuan menghendaki disiarkan dalam *Warta* notis tentang luputnya paten itu.

17. *Fasal 24* Rang Undang-Undang bertujuan memasukkan seksyen baru 35A ke dalam Akta untuk memberi Pendaftar kuasa menghidupkan kembali paten yang telah luput, tertakluk kepada syarat-syarat tertentu.

18. *Fasal 33* Rang Undang-Undang bertujuan meminda seksyen 56 Akta untuk memasukkan suatu alasan baru untuk mentaksahkan paten. Di bawah perenggan (2)(e) baru yang dicadangkan, jika seseorang atau ejennya dengan sengaja memberikan atau menyebabkan supaya diberikan maklumat yang tak lengkap atau tak betul kepada Pendaftar di bawah subseksyen baru 29A(4), dan paten kemudiannya diberikan kepada orang itu, mana-mana orang yang terkilan boleh memohon kepada Mahkamah supaya paten itu ditaksahkan.

19. *Fasal 38* Rang Undang-Undang bertujuan meminda seksyen 79 Akta terutamanya untuk mengadakan peruntukan bagi pembayaran fee yang ditetapkan melalui peraturan-peraturan dan bukannya pembayaran kos yang difikirkan adil oleh Pendaftar berkenaan dengan permintaan-permintaan supaya dibuat pindaan untuk membetulkan salah tulis atau kesalahan-kesalahan ketara dalam permohonan-permohonan paten dan dokumen-dokumen lain yang dikemukakan di Pejabat Pendaftaran Paten.

20. *Fasal 39* Rang Undang-Undang bertujuan memasukkan seksyen baru 79A yang membenarkan pindaan, selepas paten diberikan, kepada spesifikasi-spesifikasi sesuatu paten atau apa-apa dokumen lain yang berkaitan dengan paten bagi maksud membetulkan salah tulis atau kesalahan ketara. Pindaan ini adalah lanjutan daripada peruntukan-peruntukan seksyen 79 Akta.

21. *Fasal 42* Rang Undang-Undang bertujuan memasukkan seksyen baru 83A ke dalam Akta untuk membolehkan Pendaftar memperakui bahawa mana-mana catatan, perkara atau benda yang dikehendaki dibuat atau dilakukan di bawah Akta telah dibuat atau dilakukan. Ia juga bertujuan mengadakan peruntukan bagi kebolehterimaan perakuan-perakuan sedemikian dalam semua mahkamah. Ini akan mempermudah prosiding-prosiding di mahkamah-mahkamah tentang perkara-perkara yang berhubungan dengan Akta.

22. *Fasal 44* Rang Undang-Undang bertujuan meminda subseksyen 86(5) Akta untuk menghapuskan kehendak bahawa orang-orang yang tidak berdomisil atau mempunyai tempat kediaman di Malaysia mestilah memulakan atau hadir dalam sesuatu guaman berkenaan dengan paten mereka melalui ejen paten.

23. *Fasal 47* Rang Undang-Undang bertujuan meminda seksyen 90 Akta untuk memasukkan sebutan-sebutan nyata tentang pemberian paten di Sarawak dan untuk mengesahkan pemberian-pemberian yang dibuat dalam tempoh peralihan di bawah subseksyen 90(1) atau 90(2) Akta. Sebutan-sebutan sedemikian telah tertinggal tanpa disengajakan dan pemberian-pemberian mungkin telah dibuat dalam tempoh peralihan itu.

24. *Fasal 49* Rang Undang-Undang memperkatakan peruntukan-peruntukan peralihan dan kecualian. Fasal ini menjelaskan bahawa pindaan-pindaan yang berhubungan dengan pemeriksaan-pemeriksaan awal dan substantif bagi permohonan-permohonan paten tidak akan terpakai bagi permintaan-permintaan untuk mendapatkan pemeriksaan-pemeriksaan itu, atau bagi pemeriksaan-pemeriksaan itu, yang masih belum diputuskan sebelum mula berkuatkuasanya pindaan-pindaan itu. Peruntukan-peruntukan yang sedia ada akan terus terpakai bagi permintaan-permintaan dan pemeriksaan-pemeriksaan sedemikian.

25. Selain daripada peruntukan-peruntukan yang telah diperkatakan dengan khusus dalam perenggan-perenggan terdahulu Huraian ini, beberapa peruntukan telah dimasukkan ke dalam Rang Undang-Undang ini bagi maksud membetulkan kesilapan-kesilapan dalam teks bahasa kebangsaan Akta. Peruntukan-peruntukan itu terkandung dalam *fasal 14, 25, 28, 29, 30, 32, 35, 36, 37 dan 43* Rang Undang-Undang ini.

26. Pindaan-pindaan lain yang dicadangkan dalam Rang Undang-Undang ini tetapi tidak diperkatakan secara khusus dalam Huraian ini adalah pindaan-pindaan yang kecil dan berbangkit.

IMPLIKASI KEWANGAN

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan. [PN. (U²) 1442.]